

niyüşgum t'in libiltwält ga wilalaut ;
ada al dum gup wäl gidigäwa dit, wa-
gait dum wil shamaksha dit.

8 Ada nini dum da älüdäantk gish
ga t'in libiltwält ga wilalaut, gü dum
hazaqudash ga Miyän gut Jesus gish
ga na kshanälthk gish ga zumäk ga,
gü dum gilau'unsh ga dum wil älü-
dä'antk gish ga wil goiduksht ga :

9 Nini Giadum-hadağ gü dum goi-
duksha da niwälda wila halthalshish
Satan ä dum tkulhokshk ga tkäni
gutgiadit dilth shikshinlaidukshit
dilth gabigum lüshanälthash gut,

10 Dilth tkäni yängushgum whati
hoigiaga dit ash dupniadit gü ltha
dum lügaga dit ; äwilalthga n't anau-
ksh ga shiebunshgum shimhou ga, ä
n'dum wil dilamautkshadit.

11 Ninit gum haizt ga Shimoigiat
ga Lakäga sha gishash gutash dupniat,
dum wil gashimhoudiksh dida bigut :

12 Dum wil dapsha tkäni nha wha
gashimhoudiksha didash ga shimhou
ga, ada al n't yagai anaga whati
hoigiaga dit :

13 Ada al gup eşhgum dup dum
lthäwila dhoiyukshish ga Shimoigiat
ga Lakäga ash nüshimt, waikia, shi-
pshebunsh ga Miyän ga, äwil n't
amgait kshanaknishim ga Shimoigiat
ga Lakäga hishidätk gut at dahaba
shim da gunlimautk gut ä na lip-
ganataush ga Haik ga dilth shimhou-
diksha dash ga shimhou ga :

14 Güit wil ha-hükhiütik ga shimt
ä Am da Malshk gumt, dum wil gätk
gish ga na hoishk gish ga Miyänum
gut Jesus Christ ga.

15 Ninilth gun shimgit makshk
ga shim waikia, ada ma shim lüdam
gügwlukyänsha na shüwilaigiamu-
ksha shimt, ä zö ligi algiagultsh hoik
gut, ligi na shäönshk gumt,

16 Wai, lip nish ga Miyänum gut
Jesus Christ ga, dilth Shimoigiat ga
Lakäga, Nagwädum ga, güit in shie-

bumun ga, adat ginamsh ga whati
shäbäm gun gundoulthum gaud ga
dilth ama naböishk gut ä anaugushk
ga gunwäl dit,

17 Dumt in sha gun-gadoultha ga-
gaud shimt, ada dumt shimgit ma-
kshin shimt ä tkäni ama halthalshit
dilth algiagut.

CHAPTER III.

1 N'tkulän dit, waikia, gigiengwa-
klth shim ä gum, dum wil dhamiyash
ga na algiaksh ga Miyän ga, dilth
dum lthautk ga dit, niwälda di wäl
dida shpaga shimt ;

2 Dum wil dilamautkshum da shi-
mgul lukshgigiadum giadit, dilth
hadadağ ga dit ; ada wil althga tkäni
dalth gashimhoudikshit.

3 Ada al hükshimhoush ga Miyän
ga, gü dumt in shimgit makshinshimt,
dilth dumt lthän shim da hadağ ga
dit.

4 Ada shimgit waiyikyaukshk gum
gish ga Miyän ga wila wäl shim, ä
ltha hüwäl shim, ada dum gup wäl
shim da gau dup haizumuk shimt.

5 Ada dumt dadeuntk gut ga Miyän
ga gagaud shimt ä na shpagait shie-
bunshk gish ga Shimoigiat ga Lakäga,
dilth shpagait gun diğ gaudsh Christa
ga.

6 Wai, dup haizumuk-shimt, wai-
kia, ash ga na wäsh ga Miyän gut
Jesus Christa ga, gü dum bashuk ga
shim da tkäni waikia ligi wha äzagum
yä dit, dilth t'in wha lüyäka gügwu-
lukiyänsh gü nha dawätk ga dida
gum.

7 Äwil ma shim lip wilai dum gup
n'zä'ilshim dä gum ; äwil althga ndi
lip wha äzagum wälum a shpaga
shimt ;

8 N'za ligi dup di ksha gaplth na
wuneyash ligit nä ; gup sha gulgelu-
kltha-num ada hakhak gumt ä zaga